

17. fundur haldinn í sveitarstjórn Langanesbyggðar fimmtudaginn 3. mars. 2011 kl.17:00 á skrifstofu Langanesbyggðar.

Mætt voru: Ævar Marinósson, Indriði Þóroddsson, Reimar Sigurjónsson, Steinunn Leósdóttir, Dagrún Þórisdóttir og Gunnólfur Lárusson sveitarstjóri, sem ritaði fundargerð á tölvu. Varaoddviti bauð fundarmenn velkomna og spurði hvort einhverjar athugasemdir væru gerðar við fundarboð.

DAGSKRÁ:

1. Fundargerð sveitarstjórnar dags. 17.02.2011

Lög fram til kynningar.

2. Fundargerð hafnarnefndar dags. 01.03.2011

Í fundargerðinni var eftirfarandi gjaldskrá samþykkt.

Gildissvið.

1. gr.

Gjaldskrá þessi gildir fyrir Bakkafjarðarhöfn og Þórshafnarhöfn og er sett skv. heimild í 17. gr. hafnalaga nr. 61/2003, sbr. bráðabirgðaákvæði nr. 1.

Um hafnagjöld.

2. gr.

Við ákvörðun hafnagjalda samkvæmt stærð skipa skal miða við brúttótonnatölu skipa samkvæmt alþjóðlegu mælibréfi, sem gefið er út eftir ákvæðum alþjóðasamþykktarinnar um mælingu skipa frá 1969.

3. gr.

Af öllum skipum skal greiða tilheyrandi gjöld til hafnarsjóðs ef þau koma inn fyrir takmörk hafnarinnar og njóta þjónustu hennar.

Lestargjald.

4. gr.

Af öllum skipum skal greiða lestargjald, kr. 10,51 á mælieiningu skv. 2. gr. en þó ekki oftar en tvisvar í mánuði. Undanþegin greiðsla lestargjalds eru herskip, varðskip og skip sem eru gerð út til vísindalegra rannsókna, svo og skip sem leita hafnar vegna sjóskaða eða til að láta í land sjúka menn eða látna, svo fremi þau hljóti ekki aðra þjónustu.

Bryggjugjöld.

5. gr.

Af öllum skipum sem leggjast við bryggju eða hafnarbakka skal greiða kr. 2,90 á mælieiningu skv. 2. gr. fyrir hverja byrjaða 12 tíma sem skipið liggur bundið. Fiskiskip greiða þetta gjald eigi oftar en 26 sinnum í mánuði. Heimilt er að taka lestar- og bryggjugjald af fiskiskipum og minni bátum sem mánaðargjald, kr. 70 á mælieiningu, en þó aldrei lægra en kr. 7.700 á mánuði. Bátar minni en 20 bt. greiði þó aldrei lægra en kr 4.900 á mánuði nema þeir liggja við bryggju í mjög skamman tíma (1 - 5 daga) en þá skal gjaldið nema kr. 3.000 Skip samkvæmt 2. mgr. 4. gr. eru undanþegin bryggjugjaldi.

Vörugjöld.

6. gr.

Vörugjöld skal greiða af öllum vörum sem fluttar eru af skipsfjöl á land eða úr landi á skipsfjöl, eða úr einu skipi á annað, innan takmarka hafnarinnar, þó með þeim undantekningum er síðar getur.

7. gr.

Fyrir vörur sem samkvæmt farmskrá skips eru ákveðnar til annarrar hafnar, innlendrar eða erlendrar, en eru látnar á land um stundarsakir, skal aðeins greitt vörugjald þegar vörurnar eru fluttar í land. Undanþegnar þessu gjaldi eru vörur sem látnar eru á land um stundarsakir vegna skemmda á skipi.

8. gr.

Af vörum sem fluttar eru á skip og fara eiga til annarra hafna innanlands greiðist hálfvörugjald. Af vörum sem fara eiga til útlanda en umskipað er í innlendri höfn skal greiða fullt vörugjald í fyrstu lestunarhöfn. Af vörum sem koma frá útlöndum og fara eiga áfram til útlanda er heimilt að innheimta fullt vörugjald þegar vörurnar eru fluttar í land.

9. gr.

Um vörugjald af flutningi ferjuskipa skal semja við ferjueiganda sem innheimtir gjaldið ásamt flutningsgjaldi og stendur skil á því til hafnarinnar. Farþegar, bifreiðar þeirra, farangur og vöruflutningar með ferjum og flóabátum, sem njóta styrks samkvæmt vegalögum eru undanþegnir vörugjaldi. Heimilt er þó að taka vörugjöld af vöru í vörugjaldsflokkum 1, 2 og 3, sbr. 12. gr.

10. gr.

Þessar vörur eru algjörlega undanþegnar vörugjaldi:

- a) Umbúðir sem endursendar eru.
- b) Kol, olía, vistir og aðrar nauðsynjar skipa til eigin notkunar.
- c) Almennar póstsendingar og farangur ferðamanna.
- d) Úrgangur sem fluttur er til eyðingar.

11. gr.

Vörugjald skal reikna eftir þyngd eða verðmæti, með umbúðum og af hverri sendingu sérstaklega. Fara skal eftir farmskrá skipa við útreikning vörugjalds. Skipstjóra eða afgreiðslumanni skips er skylt að láta gjaldkera hafnarinnar í té afrit af farmskrá. Sé engri farmskrá til að dreifa skal skipstjóri gefa drengskaparvottorð um vörumagn sem fermt hefur verið eða affermt úr skipi hans. Þyki hafnarstjóra ástæða til, getur hann hvenær sem er látið ákveða vörumagnið á þann hátt sem hann telur hentugast. Reynist vörumagnið vera meira en upp er gefið greiðir farneigandi kostnaðinn. Séu fleiri en ein vörutegund í sendingu ósundurliðað skal reikna vörugjaldið eftir þeirri tegund sem hæst gjald skal greiða af.

12. gr.

Vörur skal flokka til vörugjalds eftir því sem vörugjaldskrá tiltekur og gjaldið greiðist eins og þar segir:

1. fl: Gjald kr. 250 fyrir hvert tonn:

Bensín, brennsluolíur, kol, laust korn, salt, vikur, kísilgúr, þörungamjöl, sement, áburður og úrgangur sem fluttur er til endurvinnslu.

2. fl: Gjald kr. 470 fyrir hvert tonn:

Lýsi og fiskimjöl.

3. fl: Gjald kr. 525 fyrir hvert tonn:

a) Þungavarningur, svo sem sekkjavörur, óunnið járn og stál, útgerðarvörur, smurningsolíur, sjávarafurðir, landbúnaðarafurðir, hráefni til iðnaðar og byggingaframkvæmda.

b) Þökkuð og niðursoðin matvæli, óáfengar drykkjarvörur og ávextir. Vélar og tæki hvers konar og

varahlutir til þeirra, svo sem heimilis- og skrifstofuvélar, bifreiðar, bifhjól, reiðhjól, hjólbarðar, bátar, flugvélar, hreyflar, mælitæki, húsbúnaður, vefnaðarvara og fatnaður. Útvarps- og sjónvarpstæki, hljóðfæri, úr, klukkur, myndavélar, sjónaukar, glysvarningur alls konar, vín, tóbak, sælgæti, snyrtivörur og lyf.

c) Vörur sem ekki verða flokkaðar annars staðar eftir þyngd. Af flutningi vinnutækja innanlands skal veita allt að 50% afslátt. Vörugjald greiðist ekki af bifreiðum ferðamanna enda ferðast eigendur með sama skipi.

4. fl: Gjald 1,4%:

Sjávarafli lagður á land eða í skip á hafnarvæðinu til vinnslu eða brottflutnings, þ.m.t. fiskur og seiði úr eldiskvíum. Gjaldið reiknast af heildarverðmæti aflans.

Gjald af frystum afla frystitogara og eldisfiski reiknast af helmingi heildarverðmætis.

Gjald af saltfiski reiknast miðað við tvöfalda þyngd og gjald af gámafiski reiknast af áætluðu heildarverði. Kaupanda aflans ber að afhenda hafnarstjóra skýrslu um keyptan afla mánaðarlega, t.d. afrit af aflaskýrslu til Fiskistofu. Aflagjaldið fellur í gjalddaga um leið og afla er landað. Kaupandi aflans innheimtir gjaldið hjá seljanda og er ábyrgur fyrir því til hafnarsjóðs þótt hann vanræki innheimtu þess. Standa ber skil á greiðslu aflagjalds eigi sjaldnar en mánaðarlega. Hámarksgjald samkvæmt lið þessum er 4.400 kr. fyrir hvert tonn. Lágmarksgjald í öllum flokkum er kr. 170

13. gr.

Af gjöldum þeim sem þessi gjaldskrá tekur til og reiknuð eru út frá mælieiningu skv. 2. gr. skal veita 17% afslátt vegna olíuflutningaskipa, sem geta flutt aðgreinda sjókjölfestu í sérhönnuðum geymum. Skilyrði þess að veita afslátt skv. 1. mgr. er að sýnt sé fram á að olíuflutningaskip geti flutt aðgreinda sjókjölfestu í sérhönnuðum geymum í samræmi við 13. reglu alþjóðasamnings um varnir gegn mengun sjávar frá skipum frá 1973 ásamt bókun frá 1978 (MARPOL 73/78).

Þessar upplýsingar þurfa að koma fram:

- í athugasemdareitunum á alþjóðamælibréfinu sem tilgreint er í 2. gr. gjaldskrár þessarar, og
- undir lið 5.2. í fylgiskjali af gerð B við alþjóðamengunarvarnaskírteinið (IOPP-skírteinið), sem gefið er út samkvæmt ákvæðum MARPOL 73/78.

Þjónustugjöld.

14. gr.

Vogargjöld	Gjald kr.
Vigtun sjávaraflla pr. kg.	0,40
Útkall vegna vigtunar	8.900
Lágmarksgjald vegna einstakrar vigtunar	650
Kranagjald pr. kg	0,22
Skráningargjald pr.kg.	0,07
Vatnsgjöld	
Vatn afgreitt frá bryggju kr. pr. tonn	210
Lámagnsgjald kr.	840
Tengigjald vegna vatns	1.265
Tengigjald yfirvinna	5.060
Rafmagn	
Rafmagn samkvæmt gjaldskrá Rarik + 22% (10% vegna taps í köplum, viðhalds á búnaði og umsýslu)	
Hafnarvernd	
Komugjöld vegna hafnarverndar, fyrir hverja komu	25.000

Öryggisgæsla pr. dv.	2.900
Öryggisgæsla pr. nv.	5.200
Hafnsögugjöld	
Hafnsögugjöld hver mælieining	5,75
Flutningur hafnsögumanns	20.000
Fast gjald pr. skip dagvinna (hafsögumaður)	3.500
Fast gjald pr. skip yfirvinna (hafsögumaður)	7.000
Festargjald pr. afgreiðslu	11.500
Önnur þjónustugjöld	
Leiga fyrir 20 feta frystigáma (mánaðargjald)	1.827
Leiga fyrir 40 feta frystigáma (mánaðargjald)	2.680
Leiga fyrir 20 feta þurrgám á sérútb. gámasvæði (mán.)	1.218
Leiga fyrir 40 feta þurrgám á sérútb. gámasvæði (mán.)	2.070
Gjald fyrir skammtímageymslu veiðarfæra og búnaðar á hafnarbakka (frítt fyrstu fimm dagana) pr. sólarhring	3.450
Sorpgjöld - Fiskiskip 20 bt og undir (mánaðargjald)	500
Sorpgjöld - Fiskiskip 21 - 200 bt. (mánaðargjald)	4.000
Sorpgjöld - Fiskiskip 201 bt. og yfir (mánaðargjald)	10.000
Sorpgjöld - Kaupskip samkvæmt reikningi pr.m ³	3.000
Geymsla á áburði á hafnarsvæði vikugjald kr. pr. tonn	19

Um innheimtu og greiðslu hafnargjalda skv. hafnalögum.

15. gr.

Hafnarstjóri sér um innheimtu allra hafnargjalda og skal greiða gjöldin á skrifstofu hafnarinnar. Séu gjöldin ekki greidd á réttum gjalddögum er heimilt að reikna hæstu lögleyfðu dráttarvexti á skuldina.

16. gr.

Skipstjóri og eigandi skips ber ábyrgð á greiðslu gjalda þeirra sem greiða ber til hafnarinnar vegna skipsins. Er skipstjóra skylt að afhenda hafnarstjóra þjóðernis- og skrásetningarskírteini skipsins, ef hafnarstjóri krefst þess og hefur hafnarsjóður haldsrétt yfir skírteininum uns gjöld eru greidd. Töf og tjón sem af þessu hlýst er einvörðungu á ábyrgð og kostnað greiðanda skipagjaldsins. Að svo miklu leyti sem í gjaldskrá þessari eru ekki ákveðnir fastir gjalddagar á gjöldum skal greiða þau áður en skip fer burt úr höfninni og enginn skipstjóri getur vænst þess að fá afgreiðslu fyrir skip sitt hjá sýslumanni eða tollstjóra nema hann sanni með vottorði frá hafnarstjóra að hann hafi greitt gjöld sín til hafnarinnar.

17. gr.

Vörugjald greiðir móttakandi af vörum sem koma til hafnarinnar og sendandi af vörum sem fluttar eru úr höfninni. Ef margir eiga vörur sem fluttar eru með sama skipi skal afgreiðslumaður skipsins standa hafnarsjóði skil á greiðslum. Ef skip hefur ekki farm sinn skráðan ber skipstjóri ábyrgð á greiðslu vörugjaldsins. Ef vörur eru fluttar úr einu skipi í annað greiðir sá vörugjaldið sem affermir. Vörugjald af vörum sem koma til hafnarinnar fellur í gjalddaga þegar skipið sem vörurnar flytur er komið í höfnina og vörugjald af vörum sem fluttar eru úr höfninni fellur í gjalddaga þegar vörurnar eru komnar á skip. Skipstjóra og afgreiðslumanni skips er óheimilt að afhenda vörurnar fyrir en gjaldið er greitt. Hafnarsjóður hefur haldsrétt í skráningar- og þjóðernisskírteinum skips til tryggingar gjaldinu. Aflagjald og vörugjald af útflutningi skal auk þess tryggt með veði í útflutningsbirgðum þess aðila er skuldar gjöldin.

18. gr.

Á öll verð skv. verðskrá þessari skv. 20. gr. hafnalaga er lagður 25,5% virðisaukaskattur sbr. 3. tl. 3. gr. laga nr. 50/1988 um virðisaukaskatt.

19. gr.

Öll gjöld samkvæmt gjaldskrá þessari má taka fjárnámi. Skipagjöld eru tryggð með lögveði í skipinu og gengur það veð í tvö ár fyrir sammingsveðskuldum sbr. ákvæði 21. gr. hafnalaga nr. 61/2003.

Gildistaka.

20. gr.

Gjaldskrá þessi fyrir Langaneshafnir er samþykkt af hafnarnefnd Langanesbyggðar 1. mars 2011, skv. hafnalögum nr. 61/2003 og 37. gr. reglugerðar um hafnamál nr. 326/2004 ..

Gjaldskráin samþykkt samhljóða og skal hún öðlast gildi strax.
Fundargerðin í heild sinni samþykkt samhljóða.

3. Fundargerð Nausts dags. 21.02.2011

Lögð fram til kynningar.

4. Skýrsla sveitarstjóra.

Sveitarstjóri flutti skýrslu sýna og svaraði fyrirspurnum.

- Sveitarstjóri lagði fram bréf dags. 02.03.11 þar sem er óskað eftir því að systkinaafsláttur verði sambærilegur og í sveitarfélaginu Norðurþingi. Sveitarstjóra falið að skoða málið og koma með tillögu á næsta fundi.

Samþykkt samhljóða.

5. Fundargerð Eyþings dags. 31.01.2011

Lögð fram til kynningar.

6. Fundargerð SSKS dags 15.02.2011

Lögð fram til kynningar.

8. Fundargerð Heilbrigðisnefnda Norðurlands eystra dags. 03.02.2011

Lögð fram til kynningar.

10. Fundargerð Hafnarsambands Íslands ásamt ársreikningi dags. 04.02.2011

Lögð fram til kynningar.

11. Ársreikningar Drekasvæðis ehf.

Lagðar fram til kynningar.

12. Bréf frá Foreldrafélagi Grunnskólans á Þórshöfn dags. 13.02.2011

Í bréfi foreldrafélagsins er óskað eftir því við sveitarstjórn að fundið verði hentugra húsnæði fyrir æskulýðsstarfssemi þar sem mikil óánægja ríki með núverandi félagsmiðstöð. Sveitarstjóri fór yfir að hann hafi verið í sambandi við starfsmann Fasteigna ríkisins sem er eigandi húsnæðis þess er hýsir félagsmiðstöðina og ljóst er að Fasteignir ríkisins muni ekkert gera fyrir húsnæðið til að bæta aðstöðuna. Til að breytingar verði gerðar mun sveitarfélagið þurfa að kaupa húsnæðið og er það í skoðun.

13. Bréf frá Héraðssambandi Þingeyinga dags. 09.02.2011

Í bréfi HSP er óskað eftir því að sveitarfélagið styrki áfram HSP þó svo að ekki ætli öll sveitarfélögin að styrkja það.

Sveitarstjóri fór yfir að á fundi þann 9. des. 2010 hafi sveitarstjórn samþykkt erindið með þeim fyrirvara að öll þau sveitarfélög sem eru innan HSP verði með en í ljósi þessa bréfs ætla ekki öll sveitarfélögin að vera með. Sveitarstjóri leggur til að styrkurinn verði

samþykktur enda skiptir það miklu máli fyrir íþróttaiðkanir og keppni fyrir börn í Langanesbyggð að vera í samstarfi við HSP. Styrkurinn er kr. 600 pr. íbúa og er til þriggja ára. Samþykkt samhljóða.

14. Bréf frá Innanríkisráðuneytinu dags. 02.02.2011

Lagt fram til kynningar.

15. Bréf frá Lánasjóði Sveitarfélaga dags. 23.02.2011

Lagt fram til kynningar.

16. Bréf frá Dawid Potrykus dags. 28.02.2011

Í bréfinu er bréfitari að upplýsa hann hafi í hyggju að byggja á Þórshöfn tvö einbýlishús til sölu eða leigu og hvort sveitarfélagið hafi í hyggju að leigja það húsnæði.

Sveitarstjórn hefur ekki uppi áform að koma að frekari uppbyggingu að svo stöddu.

Samþykkt samhljóða.

17. Tilboð í ástandsgreiningu á vatnsveitu Þórshafnar.

Tilboðið frá Eflu verkfræðistofu í heildar ástandsskoðun á vatnsveitunni .

Tilboðið samþykkt samhljóða.

Fundargerðin upplesin og samþykkt samhljóða, fleira ekki gert og fundi slitið kl. 19:10